

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН

ИНДӨД

**«Коми Республикаса Юралысьлысь Уджаланарт вынсьөдөм йылысь»
Коми Республикаса Юралысьлөн 2015 во сора төлысь 14 лунся 82 №-а
Индөдө вежсьөм пыртөм йылысь**

Шуа:

1. Пыртны «Коми Республикаса Юралысьлысь Уджаланарт вынсьөдөм йылысь» Коми Республикаса Юралысьлөн 2015 во сора төлысь 14 лунся 82 №-а Индөдө татшөм вежсьөм:

Коми Республикаса Юралысьлысь тшөктөмъяс олөмө пөртөм бөрся видзөдөмсө котыртөм йылысь положение (Уджаланарт дорө 2 содтөд, мый вынсьөдөма Индөдөн (1 №-а содтөд), гижны содтөд серти.

2. Тайө Индөдыс вынсялө 2022 вося төвшөр төлысь 1 лунсянь.

Коми Республикаса Юралысь

В. Уйба

Сыктывкар

2021 вося өшым төлысь 16 лун

149 №

Коми Республикаса Юралысьлөн
2021 во ёшым тöлысь 16 лунся 149 №-а Индöд дорö
СОДТÖД

«Коми Республикаса Юралысьлөн Уджаланарт дорö
2 СОДТÖД

Коми Республикаса Юралысьлысь тшöктöмъяс олöмö пöртöм бöрся
видзöдöмсö котыртöм йылысь

ПОЛОЖЕНИЕ

1. Тайö Положениеыс индö Коми Республикаса Юралысьлысь тшöктöмъяс олöмö пöртöм бöрся видзöдан пöрадок сы могысь, медым Коми Республикаса олöмö пöртысь власьт системаын органъяс найöс ас кадö да бура пöртысны олöмö (водзö – канму органъяс).

2. Колö видзöдны Коми Республикаса Юралысьлөн татшöм тшöктöмъяс бöрся:

1) Россия Федерацияса Президентлысь тшöктöмъяс да индöмъяс, а сіджö Россия Федерацияса Президентлысь тшöктöмъяс олöмö пöртöм серти Россия Федерацияса Президентлөн Администрациялысь, Россия Федерацияса Вescкöдлан котырлысь, Рытыв-Войвыв федеральной кытшын Россия Федерацияса Президентöс полномочной петкöдлысьлысь да сылөн аппаратлысь тшöктöмъяс да индöмъяс олöмö пöртöмсö котыртöм серти (водзö – Россия Федерацияса Президентлөн тшöктöмъяс);

2) Россия Федерацияса Вescкöдлан котырлысь, Рытыв-Войвыв федеральной кытшын Россия Федерацияса Президентöс полномочной петкöдлысьлысь да сылөн аппаратлысь тшöктöмъяс олöмö пöртöмсö котыртöм серти (водзö – Россия Федерацияса Вescкöдлан котырлөн да Рытыв-Войвыв федеральной кытшын Россия Федерацияса Президентöс

полномочной петкӧдлысьлӧн тшӧктӧмъяс), тайӧ пунктса 1 пунктулын индӧм тшӧктӧмъяс кындзи;

3) кутшӧмъяс эмӧсь сёрнигижӧдъясын (тшӧктӧмъяс лыддьӧгъясын), кутшӧмъясӧс кырымалӧма Коми Республикаса Юралысьӧн;

4) Коми Республикаса Юралысьлысь инӧда актъяс примитӧмкӧд йитӧдын да найӧс збыльмӧдӧм могысь нормативной инӧда актъяс дасътӧм серти (водзӧ – инӧда актъяс дасътӧм серти тшӧктӧмъяс), тайӧ пунктса 5 пунктулын индӧм нормативной инӧда актъяс кындзи.

Тайӧ пунктса 1-4 пунктувъясын индӧм тшӧктӧмъяс олӧмӧ пӧртӧм бӧрся видзӧдӧ Коми Республикаса Юралысьлӧн Администрацияса тэчас юкӧдув, кодӧ кывкутӧ Коми Республикаса Юралысьлысь тшӧктӧмъяс олӧмӧ пӧртӧмсӧ видзӧдӧмысь (водзӧ – Контроль да сёрнигижӧд нуӧдӧмӧн веськӧдланӧн);

5) кутшӧмъяс эмӧсь Коми Республикаса Юралысьлӧн инӧда актъясын сэк, кор наын ӧттшӧтш эмӧсь татшӧм условиеяс:

а) индӧма инӧда актӧ пырысь тшӧктӧмъяс (мероприятиеяс) олӧмӧ пӧртӧм вӧсна кывкутысь йӧзсӧ;

б) урчитӧма Коми Республикаса Юралысьлӧн инӧда актӧ пырысь тшӧктӧмъяс олӧмӧ пӧртан кадколастьяссӧ;

в) индӧма инӧда акт збыльмӧдӧм бӧрся видзӧдысь чина мортсӧ либӧ канму органсӧ.

Тайӧ пунктса 5 пунктулын индӧм тшӧктӧмъяс олӧмӧ пӧртӧм бӧрся видзӧдӧны чина мортӧн либӧ канму органӧн юрнуӧдысьӧн, кодӧс индӧма инӧда актӧн, индӧм пӧрадокын;

6) Коми Республикаса Юралысьлӧн Администрацияӧ гражданасянь воӧм шыӧдчӧмъяс видлалӧм серти.

Тайӧ пунктса 6 пунктулын индӧм тшӧктӧмъяс олӧмӧ пӧртӧм бӧрся видзӧдӧ Коми Республикаса Юралысьлӧн Администрацияын гражданалӧн шыӧдчӧмъяс серти юкӧн;

7) Коми Республикаса Юралысьлысь мукöд тшöктöм, кöни индöма найöс олöмö пöртöм бöрся видзöдöмсö.

Тайö пунктса 7 пунктулын индöм тшöктöмъяс олöмö пöртöм бöрся видзöдö Коми Республикаса Веськöдлан котырöн Юрнуöдысьöс вежысьяс, Коми Республикаса олöмö пöртысь власьт органьясöн юрнуöдысьяс лыдысь Коми Республикаса Юралысьöн индöм морт.

3. Тайö положение могысь вöдитчан терминьяс да кыввежöртасьяс:

кывкутöмöн олöмö пöртысь – Коми Республикаса Юралысьлöн тшöктöмын медшöр олöмö пöртысьöн индöм морт (пасйöма «öтувтöм» кывйöн либö тшöктöмын индöма медводдзаöн);

öтув олöмö пöртысь – Коми Республикаса Юралысьлöн тшöктöмын кывкутöмöн олöмö пöртыськöд öттшöтш индöм морт;

олöмö пöртысь – Коми Республикаса Юралысьлысь тшöктöм олöмö пöртöмсö могмöдöм могысь кывкутöмöн олöмö пöртысьöн индöм морт (пырджык öтув олöмö пöртысьяс лыдысь);

тшöктöм, видзöдан тшöктöм – Коми Республикаса Юралысьлöн тшöктöм, мый бöрся тайö Положениелöн корöмьяс серти видзöдö Контроль да сёрнигижöд нуöдöмöн веськöдланin.

4. Коми Республикаса Юралысьлысь тшöктöмьяссö пöртöны олöмö лöсялана тшöктöмын урчитöм кадколастьясö (календарнöй кадпасьясö).

Коми Республикаса Юралысьлöн тшöктöм серти сетöм Коми Республикаса Веськöдлан котырöн Юрнуöдысьöс Медводдза вежысьлысь тшöктöм олöмö пöртöм бöрся видзöдöмсö котыртöны сыын индöм олöмö пöртысьяссö да кадколастьяссö тöд вылö босьтöмöн.

Тшöктöмлöн текстын «пырысьтöм-пыр» либö «öдйö вöчана» индöмьясыс урчитöны тшöктöм кырымалан кадпасьянь лыддьöмöн 3 уджалан лун чöжөн либö 10 уджалан лун чöжөн лöсялöмöн тшöктöм олöмö пöртöмсö.

Сэк, кор тшöктöмын абу урчитöма олöмö пöртан кадколастсö, олöмö пöртан кадколастыс лöб лöсялана тшöктöм кырымалан кадпассянь 1 тöлысьысь оз унджык.

Сэк, кор тшöктöм олöмö пöртан кадколастлөн бöрья луныс веськалö вежалун (мукöд шойччан лун) да (либö) уджавтöм гажöдчан лун (уджавтöм гажöдчан луньяс) вылö, сийöс колö пöртны олöмö уджалан лунысь оз сёрджык, мый мунö сы водзын.

5. Видзöдан тшöктöм олöмö пöртöм йылысь юöрыс (докладыс) оформитсьö Коми Республикаса Юралысь ним вылö да сетсьö кывкутöмөн олöмö пöртысьөн Контроль да сёрнигижöд нуöдöмөн веськöдланинö.

Кывкутöмөн олöмö пöртысь индö тшöктöм олöмö пöртöм йылысь вöзйöмьяссö да юöрсö олöмö пöртысьясөн сетан кадколастьяссö, документысь бöрья бала сöгласуйтан да дасьтан пöрадоксö, сэк, кор тшöктöмсö колö пöртны олöмö дженьыд кадколастьясö, – котыртö тшöктöм олöмö пöртöмсö öдйö вöчан пöрадокын, мый могысь вермö лöсьöдны уджалан группаяс да нуöдны сёрнитчöдан сөвещаниеяс.

6. Сэк, кор Контроль да сёрнигижöд нуöдöмөн веськöдланинö тшöктöмсö олöмö пöртöм йылысь сетöм юöрыс оз лöсяв тайö Положениелөн корöмьяслы да оз сет позянлун объективнöя доньявны видзöдан тшöктöм олöмö пöртан качествосö, Контроль да сёрнигижöд нуöдöмөн веськöдланин вермö:

- 1) бергöдны сетöм юöрсö бурмöдöм вылö;
- 2) корны кывкутöмөн олöмö пöртысьлысь тшöктöмсö олöмö пöртöм серти содтöд материальяс. Кывкутöмөн олöмö пöртысьлы быть колö сетны Контроль да сёрнигижöд нуöдöмөн веськöдланинö бурмöдöм юöрсö да (либö) тшöктöм олöмö пöртöм серти коран содтöд материальяссö лöсялана запрос босьтан лунсянь 2 уджалан лун чöжөн;
- 3) ыстыны видзöдан делöлысь материальяссö Коми Республикаса Веськöдлан котырөн Юрнуöдысьöс вежысьлы (кывкутана могьяс юклöм

серти) видлалом выло – видзодлас висьталом да помшум примитом
могысь.

Коми Республикаса Вєськөдлан котырөн Юрнуөдысьөс вежысьлы
(кывкутана могъяс юклөм серти) видлалом выло видзөдан делöлысь
материальяссö позьö сідзжö ыстыны юалөмьяссö быд боксянь да
комплекснöя видлалом могысь, кутшөмьяс бөрся колö видзөдны да
кутшөмьяс серти колö индыны помшумьяс рискьяс донъялөмсö да быд
ыштысьлысь видзөдлассö тöд выло босьтөмөн.

7. Сэк, кор Коми Республикаса Юралысьлысь тшөктөмьяссö пöртöма
олөмö абу ас кадö либö абу колана ногөн, Коми Республикаса Юралысьлөн
Администрацияөн Юрнуөдысь либö морт, кодöс уполномочитöма Коми
Республикаса Юралысьлысь тшөктөмьяссö олөмö пöртöм йылысь юöрсö
видлалан кывкöртöдьяс серти помшумьяс примитом выло, Контроль да
сёрнигжөд нуөдөмөн вєськөдланінлөн материальяс подув вылын юöртö
Коми Республикаса Юралысьлы тшөктөмьяссö абу ас кадö либö абу
колана ногөн олөмö пöртöм йылысь, а сідзжö пыртö чина йөзöс, кодьяс
мыжаöсь Коми Республикаса Юралысьлысь тшөктөмьяс олөмö пöртан
кадколастьяссö торкөмысь либö найöс абу колана ногөн олөмö пöртöмысь,
кывкутöмö кыскөм йылысь вöзйөмьяс.

8. Контроль да сёрнигжөд нуөдөмөн вєськөдланін водзвыв
юöртöмөн видзөдö тшөктөмьяс бөрся, кутшөмьяс бөрся видзөдöны, олөмö
пöртан дисциплина йылысь быд вежонся отчет лөсьөдөмөн, кутшөмöс
ыстöны Коми Республикаса Вєськөдлан котырөн Юрнуөдысьөс
вежысьяслөн, Коми Республикаса олөмö пöртысь власьт органьяслөн
инпас выло.

Видзөдан тшөктөмьяс олөмö пöртöм бөрся водзвыв юöртöмөн
видзөдан мукöд мераыс коланлун дырйи индысьö Контроль да
сёрнигжөд нуөдөмөн вєськөдланінөн.

9. Россия Федерацияса Президентлысь тшөктөмьяссö збыльмөдөм
серти Коми Республикаса Юралысьлөн тшөктөмьяс олөмö пöртöм бөрся

видзодомсö котыртöны «Россия Федерацияса Президентлысь тшöктöмъяс да индöмъяс олöмö пöртöм котыртöмсö бурмодан мераяс йылысь» Россия Федерацияса Президентлөн 2011 во рака тöлысь 28 лунся 352 №-а Индöдлысь положениеяссö тöд вылö босьтöмөн.

10. Россия Федерацияса Президентлысь тшöктöмъяс олöмö пöртöм бöрся видзöдöм.

10.1. Коми Республикаса Юралысь индö Коми Республикаса Вескöдлан котырөн Юрнуöдысьöс вежысьяс лыдысь мортöс, кодi кывкутö Россия Федерацияса Президентлысь тшöктöмъяс олöмö пöртöм бöрся видзöдöмсö котыртöмысь да Рытыв-Войвыв федеральной кытшын Россия Федерацияса Президентöс полномочной петкöдлысьлөн аппараткöд öтув уджалöмысь.

Контроль да сёрнигжöd нуöдöмөн вескöдланiн юöртö примитöм помшүом йылысь, сы лыдын видзöдöмсö котыртöмысь кывкутысь мортöс вежигөн, Рытыв-Войвыв федеральной кытшын Россия Федерацияса Президентöс полномочной петкöдлысьлы.

10.2. Коми Республикаса Юралысь индö Россия Федерацияса Президентлысь тшöктöмъяс кывкутöмөн олöмö пöртысьсö Коми Республикаса Вескöдлан котырөн Юрнуöдысьöс вежысьяс лыдысь.

Кывкутöмөн олöмö пöртысь:

1) индö Россия Федерацияса Президентлысь Тшöктöм олöмö пöртан пöрадöксö;

2) коланлун дырйи дасьтö Россия Федерацияса Президентлысь тшöктöм олöмö пöртан план-графиксö, котыртö сийöс збыльмöдöм серти уджсö;

3) могмöдö воан юөр чукöртöмсö, обработайтöмсö да öтвывтöмсö;

4) юöртö Коми Республикаса Юралысьлы тшöктöмсö олöмö пöртöм йылысь;

5) могмöдö став корана документ, сы лыдын Россия Федерацияса Президент ним вылö доклад бала, Рытыв-Войвыв федеральной кытшын

Россия Федерацияса Президентос полномочной петкөдлыслөн (сийос вежысыслөн да сылы отсасысыслөн) да Рытив-Войвыв федеральной кытшын Россия Федерацияса Президентос полномочной петкөдлыслөн аппаратын Коми Республикаын медшөр федеральной инспекторлөн Россия Федерацияса Президентлысь тшөктөмсö оломö пöртöм да сылөн бöртасьяс йылысь запросьяс вылö вочакывьяс дасьтөмсö;

б) ачыс кывкутö Россия Федерацияса Президентлысь тшөктөмсö ас кадö да колана ногөн оломö пöртöмысь, мый серти сетöма Коми Республикаса Юралысьлысь тшөктөмсö.

Россия Федерацияса Президентлысь тшөктөмсö кывкутöмөн оломö пöртысь вермö индины Россия Федерацияса Президентлысь тшөктөм оломö пöртысьяссö Коми Республикалөн оломö пöртысь власьт органьясөн юрнуöдысьяс лыдысь, кодьяс öткодя кывкутöны Россия Федерацияса Президентлысь тшөктөмсö ас кадö оломö пöртöмысь да сийос оломö пöртан качествоысь морткөд öттшöтш, кодöс Коми Республикаса Юралысь индис Россия Федерацияса Президентлысь тшөктөмсö оломö пöртöмысь кывкутысьöн.

10.3. Россия Федерацияса Президентлысь тшөктөмсö оломö пöртöм бöрся видзöдöмö пырö татшöм удж:

- 1) тшөктөмсö видзöдöм улö сувтöдöм;
- 2) тшөктөм оломö пöртöм серти сетан юöрсö ас кадö сетöм да сылөн тырвийöлун серти мониторинг нуöдöм;
- 3) тшөктөм оломö пöртöм серти учёт нуöдöм, тшөктөм серти докладьяссö да юöрсö ас кадö ыстöм бöрся видзöдöм;
- 4) тшөктөмсö видзöдöмысь дугöдöм, видзöдан кадколастьяссö нюжöдöм да колана йöзлы юöртöм.

10.4. Контроль да сёрнигижöd нуöдöмөн веськөдланінса уджалысьяс сувтöдöны Россия Федерацияса Президентлысь тшөктөмсö видзöдöм улö документьяслөн электроннöя бергалан системаын кадколастьяс серти, кутшöмьясöс индöма Россия Федерацияса Президентлысь тшөктөмсö да/

либö Коми Республикаса Веськöдлан котырöн Юрнуöдысьöс Медводдза вежысьлысь тшöктöмсö олöмö пöртöм серти, кутшöмöс сетöма Коми Республикаса Юралысьлысь тшöктöмсö олöмö пöртöм серти, Коми Республикаса Юралысьлöн тшöктöмын.

10.5. Контроль да сёрнигижöд нуöдöмöн веськöдланінса уджалысьяс Россия Федерацияса Президентлысь тшöктöмсö олöмö пöртöм серти сетан юöрсö ас кадö сетöм да сылöн тырвыйöлун серти мониторингсö нуöдöны тшöктöм олöмö пöртöм серти юöрсö да материалъяссö учёт вылö босьтöмöн да налысь кадколастьяссö да сюрöссö анализируютöмöн.

10.5.1. Тшöктöмсö кывкутöмöн олöмö пöртысь сэк, кор Россия Федерацияса Президентлысь тшöктöмсö сетöма веськыда Россия Федерацияса субъектлöн медвылыс чина мортлы, сетö Коми Республикаса Юралысь ним вылö:

а) Россия Федерацияса Президентлысь тшöктöмсö олöмö пöртан план-график (водзö – План-график), кытчö пырöны стöч мероприятияяс, кутшöмъясöс веськöдöма Россия Федерацияса Президентлысь тшöктöмсö олöмö пöртöм вылö, найöс олöмö пöртан кадколастьяс да олöмö пöртöмысь кывкутысь йöз – Коми Республикаса олöмö пöртысь власьт органъясöн юрнуöдысьяс.

План-графиксö дасьтöны Россия Федерацияса Президентлöн тшöктöмъяс серти, кутшöмъясöс олöмö пöртан кадколастыс вевтыртö 3 тöлысь. Кывкутöмöн олöмö пöртысь сетö План-графиксö лöсялана тшöктöмсö бöрьяöн босьтан лунсянь 5 уджалан лун чöжөн;

б) тшöктöм олöмö пöртöм йылысь шöркост юөр – кадколастьяс серти, кутшöмъясöс индöма Коми Республикаса Юралысьлöн да/либö Коми Республикаса Веськöдлан котырöн Юрнуöдысьöс Медводдза вежысьлöн тшöктöмын;

в) Россия Федерацияса Президент ним вылö Россия Федерацияса Президентлысь тшöктöм олöмö пöртан бöртасьяс йылысь докладлысь бала, мый сöгласуйтöма став колана йöзөн:

Россия Федерацияса Президентөн урчитом кадколастодз 45 лун водзвылын – быд вося да во джынся докладъяслы;

Россия Федерацияса Президентөн урчитом кадколастодз 30 лун водзвылын – быд квартался докладъяслы;

Россия Федерацияса Президентөн урчитом кадколастодз 15 лун водзвылын – быд төлысса докладъяслы.

Тайо пунктын лыддьодлом документъяссө да материалъяссө сетоны Контроль да сёрнигижд нуодомөн веськөдланінө.

10.5.2. Сэк, кор Россия Федерацияса Президентлөн тшөктөмөн Россия Федерацияса субъектлысь медвылыс чина мортсө индөма тшөктөм серти отув олөмө пörтысьон да видзөдан тшөктөмөн урчитөма лөсялана юöрсө Коми Республикаса Юралысьлөн кырымпас улын ыстөмсө, тшөктөмсө кывкутөмөн олөмө пörтысь видзөдан тшөктөмын индөм кадколастысь оз сёрджык сетө Контроль да сёрнигижд нуодомөн веськөдланінө Коми Республикаса Юралысьлөн кырымпас улын письмөлысь бала колана материалъяссө содтөмөн, кутшөмөс сөгласуйтөма став ыштысьон, сы лыдын Коми Республикаса Веськөдлан котырөн Юрнуодысьөс курируйтысь вежысьон.

Коми Республикаса Юралысьон письмө бала кырымалөм вылө документъяслөн пакетыс лөсьөдсө Контроль да сёрнигижд нуодомөн веськөдланінөн.

Мукөд случайын кывкутөмөн олөмө пörтысь ачыс дасьтө да ыстө адресатлы Россия Федерацияса Президентлөн тшөктөм серти юöрсө. Юөрлөн да письмөяслөн копиясыс, кутшөмьясөс ыстөма Россия Федерацияса Президентлөн тшөктөм серти, сетсьоны Контроль да сёрнигижд нуодомөн веськөдланінө тшөктөмын индөм кадколастысь оз сёрджык.

10.5.3. Сэк, кор Россия Федерацияса Президентлысь тшөктөм олөмө пöртөм серти сетөм материалъяслөн да юөрлөн сюрөсыс тырвыйө оз лөсяв Россия Федерацияса Президентлөн тшөктөм сюрөслы, Контроль да

сёрнигижöd нуödöмөн веськөдланін уджалö тайö Положениелөн 6 пунктын индöм пöрадокын.

10.6. Контроль да сёрнигижöd нуödöмөн веськөдланінса уджалысьяс нуödöны тшöктöмсö олöмö пöртöм серти учёт, видзödöны сы бöрся, медым тшöктöм серти докладьяссö да юöрсö ыстисны ас кадö, Россия Федерацияса Президентлысь тшöктöмсö збыль олöмö пöртöм серти юөр да материальяс подув вылын, кутшöмьясöс сетöма тшöктöмсö кывкутöмөн олöмö пöртысьён документьяслөн электроннöя бергалан системаын.

Россия Федерацияса Президентлысь тшöктöмсö олöмö пöртöм серти докладьяссö да юöрсö ыстöны документьяслөн ведомствокостса электроннöя бергалöмөн вöдитчöмөн видзöдан тшöктöмын индöм кадколастьяс помасьтöдз.

Документьяслысь электроннöй пакетсö, мый колö документьяслөн электроннöя бергалан ведомствокостса системаын мөдöдöм могысь, лöсьöдö тшöктöмсö олöмö пöртысь, кодi кывкутö Россия Федерацияса Президентлысь тшöктöмсö олöмö пöртöм йылысь докладьяс да юөр мөдöдан кадколастьясö кутчысьöмысь.

10.7. Россия Федерацияса Президентлөн тшöктöм бöрся видзödöмсö дугöдöм, видзöдан кадколастьяс нюжödöм да колана йöзлы юöртöм.

10.7.1. Сэк, кор эмöсь либö артмöмаöсь объективнöй лоöмторьяс, кутшöмьяс оз сетны колана ногөн пöртны олöмö урчитöм кадколастö Россия Федерацияса Президентлысь тшöктöмсö, кывкутöмөн олöмö пöртысь Коми Республикаса Юралысьлөн ним вылö тшöктöмсö олöмö пöртан урчитöм кадколастлөн öти коймөд пайысь оз сёрджык пыртö сийöс олöмö пöртан кадколаст стöчмөдöм йылысь подулалöм вöзийöм. Кадколаст стöчмөдöм йылысь подулалöм вöзийöм колö пыртны Россия Федерацияса Президентлысь тшöктöм олöмö пöртан выль кадколастьяс подулалöм, Россия Федерацияса Президентлысь тшöктöм вöзьян кадколаст кежлö олöмö пöртöм вылö веськөдöм мероприятияслысь план да Россия

Федерацияса Президент ним вылө Коми Республикаса Юралыссянь лөсялана письмө бала.

10.7.2. Россия Федерацияса Президентлөн тшөктөм бөрся видзөдөмсö дугөдöны:

сэк, кор Россия Федерацияса субъектлысь медвылыс чина мортöс индöма тшөктөм серти öтув олөмö пöртысьөн, тшөктөмсö колö збыльмөдны öтчыдысь да сийö урчитö, мый Россия Федерацияса Президентлысь тшөктөмсö олөмö пöртысь ачыс ыстö юöрсö федеральной власьт органьясö – тшөктөмсö олөмö пöртöм да олөмö пöртöм йылысь юөр копиясö Контроль да сёрнигижөд нуөдөмөн веськөдланінö сетөм бöрын;

сэк, кор босьтöма Россия Федерацияса Президентөн, Россия Федерацияса Президентлөн Администрацияөн Юрнуөдысьөн либö Россия Федерацияса Президентлы отсасьысьөн - Россия Федерацияса Президентлөн Видзөдан веськөдланінса начальникөн Россия Федерацияса Президентлөн тшөктөм бөрся видзөдөмсö дугөдөм йылысь помшүөм примитөм йылысь юөр.

10.7.3. Сэк, кор олөмö пöртысь сетис юөрлысь да письмөяслысь копиясö, кутшөмьясöс ыстöма Россия Федерацияса Президентлөн тшөктөм серти, Контроль да сёрнигижөд нуөдөмөн веськөдланінса уджалысьяс тайö Положениелөн 10.5 пункт серти нуөдöны сетөм юөр серти мониторинг.

Сэк, кор сетөм материальяс да юөр видлалан бöртасьяс серти пасйөгьясыс абуось, тшөктөмыс лыддысьö олөмö пöртанаөн да сы бөрся дугөдöны видзөдны документьяслөн электроннöя бергалан системаын.

10.7.4. Кадколастьяс нюжөдөм йылысь либö тшөктөм бөрся видзөдөмсö дугөдөм йылысь колана йөзлы юөртöны Контроль да сёрнигижөд нуөдөмөн веськөдланінса уджалысьяс тайö Положениелөн 8 пунктөн урчитөм пöрадокын, а сідзжö:

Россия Федерацияса Президентлөн тшөктөмьяс да индөмьяс лыддьөгөн колана йөзöс төдмөдөмөн, кутшөмьяс серти Рытыв-Войвыв

федеральной кытша субъектыслон медвылыс чина йозлы колон сетны Россия Федерацияса Президентлы докладьяссон (быд толыс);

кадколастыяс нюзодом йылыс либон тшоктом борся видзодомсон дугодом йылыс виза копиясон олмом портисылы ыстомон (эм ко).

11. Россия Федерацияса Везькодлан котырлыс, Рытив-Войвыв федеральной кытшын Россия Федерацияса Президентос полномочной петкодлысылыс да сылон аппаратлыс тшоктомьяс олмом портон борся видзодом (водзо – Россия Федерацияса Везькодлан котырлон да Россия Федерацияса Президентос полномочной петкодлыслон тшоктомьяс).

11.1. Россия Федерацияса Везькодлан котырлыс да Россия Федерацияса Президентос полномочной петкодлысылыс тшоктомьяс олмом портомыс кывкутыс, кодос индома Коми Республикаса Юралыслон да/либон Коми Республикаса Везькодлан котырон Юрнуодысьос Медводдза вежыслон тшоктомын, мый сетома Коми Республикаса Юралысылыс тшоктомсон олмом портон серти:

- 1) индон тшоктом олмом портан порадоксон;
- 2) коланлун дырйи дасьто тшоктом олмом портан план-графиксон, котырто сийос збыльмодом серти уджсон;
- 3) могмодон воан юор чукортомсон, обработайтомсон да отывитомсон;
- 4) юорто Коми Республикаса Юралысылыс тшоктомсон олмом портон йылыс;
- 5) могмодон тшоктом серти став корана документ да материал дасьтомсон;
- 6) ачыс кывкуто тшоктомсон ас кадон да колана ногон олмом портомыс.

Коми Республикаса Везькодлан котырон Юрнуодысьос вежыс, кодон кывкуто Россия Федерацияса Везькодлан котырлыс да Россия Федерацияса Президентос полномочной петкодлысылыс тшоктомьяс олмом портомыс, вермон индины тшоктом олмом портисыяссон Коми Республикаса олмом портисыс власьт органьясон юрнуодысьяс лыдыс,

кодъяс өткодя кывкутöны тшöктöмсö ас кадö олöмö пöртöмысь да сійöс олöмö пöртан качествоысь.

11.2. Россия Федерацияса Веськöдлан котырлысь да Россия Федерацияса Президентöс полномочной петкöдлысьлысь тшöктöмъяссö олöмö пöртöм бöрся видзöдöмö пырö татшöм удж:

- 1) тшöктöмсö видзöдöм улö сувтöдöм;
- 2) тшöктöм олöмö пöртöм серти сетан юöрсö ас кадö сетöм да сылөн тырвыйöлун серти мониторинг нуöдöм;
- 3) тшöктöм олöмö пöртöм серти учёт нуöдöм (тшöктöм серти докладъяссö да юöрсö ас кадö ыстöм бöрся видзöдöм);
- 4) тшöктöмсö видзöдöмысь дугöдöм, видзöдан кадколастьяссö нюжöдöм да колана йöзлы юöртöм.

11.3. Контроль да сёрнигижöд нуöдöмөн веськöдланінса уджалысьяс сувтöдöны тшöктöмъяссö видзöдöм улö документъяслөн электроннöя бергалан системаын кадколастьяс серти, кутшöмъясöс индöма Коми Республикаса Юралысьлөн тшöктöмын да/либö Коми Республикаса Веськöдлан котырөн Юрнуöдысьöс Медводдза вежысьлөн тшöктöмын, кутшöмöс сетöма Коми Республикаса Юралысьлөн тшöктöм серти.

11.4. Контроль да сёрнигижöд нуöдöмөн веськöдланінса уджалысьяс Россия Федерацияса Веськöдлан котырлысь да Россия Федерацияса Президентöс полномочной петкöдлысьлысь тшöктöмъяссö олöмö пöртöм серти сетан юöрсö ас кадö сетöм да сылөн тырвыйöлун серти мониторингсö нуöдöны тшöктöм олöмö пöртöм серти юöрсö да материалъяссö учёт вылö босьтöмөн да налысь кадколастьяссö да сюрöссö анализируютöмөн.

11.4.1. Сэк, кор тшöктöмөн, кутшöмöс сетöма Россия Федерацияса Веськöдлан котырлысь да Россия Федерацияса Президентöс полномочной петкöдлысьлысь тшöктöмсö олöмö пöртöм могысь, урчитöма лöсялана юöрсö Коми Республикаса Юралысьлөн кырымпас улын ыстöм, тшöктöмсö кывкутöмөн олöмö пöртысь тшöктöмын индöм кадколастысь оз

сёрджык кадколастё сетё Контроль да сёрнигижод нуодомён веськөдланінё Коми Республикаса Юралысьлөн кырымпас улын письмөлысь бала, кутшөмөс сөгласуйтөма став ыштысьөн, сы лыдын Коми Республикаса Веськөдлан котырөн Юрнуодысьёс вежысьөн (кывкутана могъяс юклөм серти).

Коми Республикаса Юралысьөн письмө бала кырымалөм вылө документъяслөн пакетыс лөсьөдсьё Контроль да сёрнигижод нуодомён веськөдланінөн.

Мукөд случайын кывкутөмөн олөмө пөртысь ачыс дасьтё да ыстё адресатлы Россия Федерацияса Веськөдлан котырлөн да Россия Федерацияса Президентөс полномочной петкөдлысьлөн тшөктөм серти юөрсө. Юөрлөн да письмөяслөн копиясыс, кутшөмъясөс ыстөма Россия Федерацияса Веськөдлан котырлөн да Россия Федерацияса Президентөс полномочной петкөдлысьлөн тшөктөм серти, сетсьоны Контроль да сёрнигижод нуодомён веськөдланінё тшөктөмын индөм кадколастысь оз сёрджык.

11.4.2. Сэк, кор тшөктөмсö олөмө пөртөм серти сетөм материалъяслөн да юөрлөн сюрөсыс тырвийö оз лөсяв Россия Федерацияса Веськөдлан котырлөн да Россия Федерацияса Президентөс полномочной петкөдлысьлөн тшөктөм сюрөслы, Контроль да сёрнигижод нуодомён веськөдланін уджалö тайö Положениелөн 6 пунктын индөм пöрадокын.

11.5. Контроль да сёрнигижод нуодомён веськөдланінса уджалысьяс нуөдöны Россия Федерацияса Веськөдлан котырлысь да Россия Федерацияса Президентöс полномочной петкөдлысьлысь тшөктөмсö олөмө пөртөм серти учёт, видзөдöны сы бöрся, медым тшөктөм серти докладъяссö да юөрсö ыстисны ас кадö, Россия Федерацияса Веськөдлан котырлысь да Россия Федерацияса Президентöс полномочной петкөдлысьлысь тшөктөмсö збыль олөмө пөртөм серти юөр да

материалъяс подув вылын, кутшӧмъясӧс сетӧма тшӧктӧмсӧ кывкутӧмӧн олӧмӧ пӧртысьӧн документъяслӧн электроннӧя бергалан системаын.

Россия Федерацияса Веськӧдлан котырлысь да Россия Федерацияса Президентӧс полномочнӧй петкӧдлысьлысь тшӧктӧмъяссӧ олӧмӧ пӧртӧм серти докладъяссӧ да юӧрсӧ ыстӧны документъяслӧн ведомствокоствса электроннӧя бергалӧмӧн вӧдитчӧмӧн тшӧктӧмын индӧм кадколаствъяс помасьтӧдз.

Документъяслысь электроннӧй пакетсӧ, мый колӧ документъяслӧн электроннӧя бергалан ведомствокоствса системаын сӧйӧс мӧдӧдӧм могысь, лӧсьӧдӧ тшӧктӧмсӧ олӧмӧ пӧртысь, кодӧ кывкутӧ Россия Федерацияса Веськӧдлан котырлысь да Россия Федерацияса Президентӧс полномочнӧй петкӧдлысьлысь тшӧктӧмсӧ олӧмӧ пӧртӧм йылысь письмӧяс да юӧр мӧдӧдан кадколаствъясӧ кутчысьӧмысь.

11.6. Россия Федерацияса Веськӧдлан котырлӧн да Россия Федерацияса Президентӧс полномочнӧй петкӧдлысьлӧн тшӧктӧмъяс бӧрся видзӧдӧмсӧ дугӧдӧм, видзӧдан кадколаствъяс нюжӧдӧм да колана йӧзлы юӧртӧм.

11.6.1. Россия Федерацияса Веськӧдлан котырлысь да Россия Федерацияса Президентӧс полномочнӧй петкӧдлысьлысь тшӧктӧм олӧмӧ пӧртан кадколаствъясӧ нюжӧдӧ морт, кодӧ сетӧс тшӧктӧмсӧ.

Сэк, кор эмӧсь либӧ артмӧмаӧсь объективнӧй лӧӧмторъяс, кутшӧмъяс оз сетны колана ногӧн пӧртны олӧмӧ урчитӧм кадколастӧ тшӧктӧмсӧ, кывкутӧмӧн олӧмӧ пӧртысь Россия Федерацияса Веськӧдлан котырлысь да Россия Федерацияса Президентӧс полномочнӧй петкӧдлысьлысь тшӧктӧмсӧ олӧмӧ пӧртӧм йылысь юӧрсӧ ыстӧгӧн вермӧ пыртны сэтчӧ тшӧктӧм олӧмӧ пӧртан кадколаст нюжӧдӧм йылысь подулалӧм вӧзйӧм, кытчӧ пырӧ тшӧктӧм олӧмӧ пӧртан выль кадколаствъяс подулалӧм, тшӧктӧмсӧ вӧзьян кадколаст кежлӧ олӧмӧ пӧртӧм вылӧ веськӧдӧм мероприятияслысь план содтӧмӧн.

Россия Федерацияса Вескөдлан котырлысь да Россия Федерацияса Президентос полномочной петкөдлысьлысь тшөктөмсö олөмө пöртөм йылысь юöрсö, кытчö пырö кадколаст нюзөдөм йылысь подулалөм вöзйөм, колö ыстыны Россия Федерацияса Вескөдлан котырлөн да Россия Федерацияса Президентос полномочной петкөдлысьлөн тшөктөмөн урчитөм кадколастö.

11.6.2. Россия Федерацияса Вескөдлан котырлөн да Россия Федерацияса Президентос полномочной петкөдлысьлөн тшөктөмьяс бöрся видзөдөмсö дугөдöны:

1) найöс олөмө пöртөм да олөмө пöртөм йылысь юөр копиясö Контроль да сёрнигижөд нуөдөмөн веськөдланінö сетөм бöрын – сэк, кор тшөктөмсö колö збыльмөдны öтчыдысь да сійö урчитö, мый олөмө пöртысь ачыс ыстö юöрсö федеральной власьт органьясö;

2) сэк, кор Россия Федерацияса Вескөдлан котырсянь да Рытыв-Войвыв федеральной кытшын Россия Федерацияса Президентос полномочной петкөдлысьсянь босьтöма тшөктөмьяс бöрся видзөдөмсö дугөдөм йылысь юөр.

11.6.3. Сэк, кор кывкутөмөн олөмө пöртысь сетис юөрлысь да письмөяслысь копиясö, кутшөмьясöс ыстöма Россия Федерацияса Вескөдлан котырлысь да Россия Федерацияса Президентос полномочной петкөдлысьлысь тшөктөмьяс олөмө пöртөм серти тшөктөм серти, Контроль да сёрнигижөд нуөдөмөн веськөдланінса уджалысьяс тайö Положениелөн 11.4 пунктса положениеяс серти нуөдöны сетөм юөр серти мониторинг.

Сэк, кор сетөм материальяс да юөр видлалан бöртасьяс серти пасйөгьясыс абуось, тшөктөмыс лыддысьö олөмө пöртанаөн да сы бöрся дугөдöны видзөдны документьяслөн электроннöя бергалан системаын.

11.6.4. Россия Федерацияса Вескөдлан котырлөн да Россия Федерацияса Президентос полномочной петкөдлысьлөн тшөктөмьяслысь кадколастьяс нюзөдөм йылысь либö на бöрся видзөдөмсö дугөдөм йылысь

колана йӧзлы юӧртӧны Контроль да сӧрнигижӧд веськӧдланінса уджалысьяс тайӧ Положениелӧн 8 пунктӧн урчитӧм пӧрадокын, а сідзжӧ кадколастъяс нӧждӧм йылысь либӧ тшӧктӧм бӧрся видзӧдӧмсӧ дугӧдӧм йылысь виза копиясӧ олӧмӧ пӧртысьлы ыстӧмӧн (эм кӧ).

12. Коми Республикаса Юралысьӧн кырымалӧм сӧрнигижӧдъясӧ (тшӧктӧмъяс лыддьӧгъясӧ) пырысь тшӧктӧмъяс бӧрся, кутшӧмъясӧс индӧма тайӧ Положениелӧн 2 пунктса 3 пунктулын, да тайӧ Положениелӧн 2 пунктса 7 пунктулын индӧм Коми Республикаса Юралысьлӧн мукӧд тшӧктӧм бӧрся видзӧдӧм (водзӧ – Коми Республикаса Юралысьлӧн тшӧктӧмъяс), мый збыльмӧдӧ Контроль да сӧрнигижӧд нуӧдӧмӧн веськӧдланін.

12.1. Тшӧктӧмсӧ олӧмӧ пӧртӧмысь кывкутысь, кодӧс индӧма Коми Республикаса Юралысьӧн:

- 1) индӧ тшӧктӧм олӧмӧ пӧртан пӧрадоксӧ;
- 2) коланлун дырйи дасьтӧ тшӧктӧм олӧмӧ пӧртан план-графиксӧ, котыртӧ сійӧс збыльмӧдӧм серти уджсӧ;
- 3) могмӧдӧ воан юӧр чукӧртӧмсӧ, обработайтӧмсӧ да ӧтвывтӧмсӧ;
- 4) юӧртӧ Коми Республикаса Юралысьлы тшӧктӧмсӧ олӧмӧ пӧртӧм йылысь;
- 5) могмӧдӧ тшӧктӧм серти став корана документ да материал дасьтӧмсӧ;
- 6) ачыс кывкутӧ тшӧктӧмсӧ ас кадӧ да колана ногӧн олӧмӧ пӧртӧмысь.

Коми Республикаса Веськӧдлан котырӧн Юрнуӧдысьӧс вежысь, кодӧ кывкутӧ тшӧктӧмсӧ олӧмӧ пӧртӧмысь, вермӧ индыны тшӧктӧм олӧмӧ пӧртысьяссӧ Коми Республикаса олӧмӧ пӧртысь власьт органъясӧн юрнуӧдысьяс лыдысь, кодъяс ӧткодя кывкутӧны тшӧктӧмсӧ ас кадӧ олӧмӧ пӧртӧмысь да сійӧс олӧмӧ пӧртан качествоысь.

12.2. Коми Республикаса Юралысьлысь тшӧктӧмъясӧ олӧмӧ пӧртӧм бӧрся видзӧдӧмӧ пырӧ татшӧм удж:

- 1) тшöктöмсö видзöдöм улö сувтöдöм;
- 2) тшöктöмсö ас кадö олöмö пöртöм, сылөн тырвыйöлун да качество серти мониторинг нуöдöм;
- 3) тшöктöм олöмö пöртöм серти учёт нуöдöм, тшöктöм серти юöрсö да письмöяссö ас кадö ыстöм бöрся видзöдöм;
- 4) тшöктöмсö видзöдöмысь дугöдöм, видзöдан кадколастьяссö нуожöдöм да колана йöзлы юöртöм.

12.3. Контроль да сёрнигижöd нуöдöмөн веськöдланінса уджалысьяс сувтöдöны тшöктöмьяссö видзöдöм улö документьяслөн электроннöя бергалан системаын кадколастьяс серти, кутшöмьясöс индöма Коми Республикаса Юралысьлөн тшöктöмын да/либö Коми Республикаса Веськöдлан котырөн Юрнуöдысьöс Медводдза вежысьлөн тшöктöмын, кутшöмöс сетöма Коми Республикаса Юралысьлөн тшöктöм серти.

12.4. Контроль да сёрнигижöd нуöдöмөн веськöдланінса уджалысьяс тшöктöмсö ас кадö олöмö пöртöм, сылөн тырвыйöлун да качество серти мониторингсö нуöдöны Коми Республикаса Юралысьлысь тшöктöмсö олöмö пöртöм серти юöрлысь да материалъяслысь кадколастьяссö учёт вылö босьтöмөн да налысь сюрöссö анализируютöмөн.

12.4.1. Коми Республикаса Юралысьлысь тшöктöмсö олöмö пöртысь тшöктöмын индöм кадколастысь оз сёрджык сетö Контроль да сёрнигижöd нуöдöмөн веськöдланінö тшöктöмсö олöмö пöртöм йылысь юөр, кутшöмöс мөдöдöны Коми Республикаса Юралысьлы. Тшöктöмсö олöмö пöртöм йылысь юөрö колö пыртны:

- 1) тшöктöмлысь реквизицияс да сюрös;
- 2) колана материалъяс содтöмөн тшöктöм олöмö пöртан бöртасьяс йылысь да/либö тшöктöмсö олöмö пöртöм могысь нуöдöм мероприятияяс да налөн бöртасьяс йылысь юөр;
- 3) ходатайство:
 - а) тшöктöм бöрся видзöдöмсö дугöдöм йылысь: тырвыйö олöмö пöртöм тшöктöмьяс серти,

тшöктöмъяс серти, кутшöмъясöс объективнöя олöмö пöртны оз позь, – лоöмторъяссö (помкаяссö) индöмөн, кутшöмъяс вöсна тшöктöмсö олöмö пöртны оз позь;

б) тшöктöм олöмö пöртан кадколастсö нюжöдöм йылысь олöмö пöртны планируйтан кадпассö индöмөн – тшöктöмъяс серти, кутшöмъясöс тшöктöмын урчитöм кадколастö объективнöй помкаяс серти олöмö пöртны оз позь лоöмторъяссö (помкаяссö), кутшöмъяс вöсна тшöктöмсö урчитöм кадколастö олöмö пöртны оз позь, да тшöктöм олöмö пöртан кадколаст нюжöдöм вöсна артмöм лоöмторъяссö индöмөн.

12.4.2. Контроль да сёрнигижöd нуödöмөн веськöдланін Коми Республикаса Юралысьлысь тшöктöмсö олöмö пöртöм йылысь юöрсö сетан кадпас бöрын 5 уджалан лун чöжөн:

- 1) анализируйтö олöмö пöртысьөн сетöм юöрсö;
- 2) дасьтö водзö видзöдöм либö тшöктöм бöрся видзöдöмсö дугöдöм серти тшöктöмъяслысь балаяссö (колö кö);
- 3) ыстö олöмö пöртысьөн сетöм юöрсö Коми Республикаса Юралысьлы либö мортлы, кодöс уполномочитöма Коми Республикаса Юралысьлысь тшöктöмъяссö олöмö пöртöм йылысь юöрсö видлалан кывкöртöдъяс серти помшүöмъяс примитöм вылö.

12.4.3. Сэк, кор Коми Республикаса Юралысьлөн тшöктöмөн урчитöма письмöсö Коми Республикаса Юралысьлөн кырымпас улын ыстöмсö, тшöктöмсö кывкутöмөн олöмö пöртысь видзöдан тшöктöмын индöм кадколастысь оз сёрджык сетö Контроль да сёрнигижöd нуödöмөн веськöдланінö Коми Республикаса Юралысьлөн кырымпас улын письмöлысь бала, кутшöмöс сöгласуйтöма став ыштысьөн, сы лыдын Коми Республикаса Веськöдлан котырөн Юрнуöдысьöс вежысьөн (кывкутана могъяс юклöм серти).

Коми Республикаса Юралысьөн письмö бала кырымалöм вылö документъяслөн пакетыс лöсьöдсьö Контроль да сёрнигижöd нуödöмөн веськöдланінөн.

Мукöд случайын кывкутöмön олöмö пöртысь ачыс дасьтö да ыстö адресатлы Коми Республикаса Юралысьлөн тшöктöм серти письмöсö. Письмöлөн копияыс, кутшöмöс ыстöма Коми Республикаса Юралысьлөн тшöктöм серти, сетсьö Контроль да сёрнигижöд нуöдöмön веськöдланінö тшöктöмын индöм кадколастысь оз сёрджык.

12.4.4. Сэк, кор Коми Республикаса Юралысьлысь тшöктöм олöмö пöртöм серти сетöм материалъяслөн да юөрлөн сюрöсыс тырвийö оз лöсяв Коми Республикаса Юралысьлөн тшöктöм сюрöслы, Контроль да сёрнигижöд нуöдöмön веськöдланін уджалö тайö Положениелөн 6 пунктын индöм пöрадокын.

12.5. Контроль да сёрнигижöд нуöдöмön веськöдланінса уджалысьяс нуöдöны Коми Республикаса Юралысьлысь тшöктöмсö олöмö пöртöм серти учёт, видзöдöны сы бöрся, медым тшöктöм серти письмöяссö ыстисны ас кадö, тшöктöмсö збыль олöмö пöртöм серти юөр да материалъяс подув вылын, кутшöмьясöс сетöма тшöктöмсö кывкутöмön олöмö пöртысьөн документъяслөн электроннöя бергалан системаын.

Коми Республикаса Юралысьлысь тшöктöмсö олöмö пöртöм серти письмöяссö ыстöны документъяслөн ведомствокостса электроннöя бергалöмön вöдитчöмön тшöктöмын индöм кадколастыяс помасьтöдз.

Документъяслысь электроннöй пакетсö, мый колö документъяслөн электроннöя бергалан ведомствокостса системаын мöдöдöм могысь, лöсьöдö тшöктöмсö олöмö пöртысь, кодi кывкутö Коми Республикаса Юралысьлысь тшöктöмсö олöмö пöртöм йылысь письмöяс мöдöдан кадколастыясö кутчысьöмысь.

12.6. Коми Республикаса Юралысьлөн тшöктöмьяс бöрся видзöдöмсö дугöдöм, видзöдан кадколастыяс нюжöдöм да колана йöзлы юөртöм.

12.6.1. Сэк, кор Коми Республикаса Юралысьлысь тшöктöмсö олöмö пöртысь индiс лöөмторьяс, кутшöмьяс лöоны подулөн тшöктöм бöрся видзöдöмсö дугöдöм, тшöктöмлысь кадколастсö, сюрöссö вежöм вылö, олöмö пöртысь лöсялана лöөмторьяс индан лунсянь 5 уджалан лун чöжөн,

но Коми Республикаса Юралысьлөн тшөктөмөн урчитөм кадколастысь оз сёрджык, ыстө Контроль да сёрнигижөд нуөдөмөн веськөдланінө тшөктөм олөмө пөртан кадколаст да (либө) тшөктөм сюрөссө нюжөдөм йылысь либө тшөктөм бөрся видзөдөмсө дугөдөм йылысь вөзйөмьяс.

12.6.2. Коми Республикаса Юралысьлысь тшөктөмьяс олөмө пөртөм йылысь юөрыс видлавсьө Коми Республикаса Юралысьлөн либө мортөн, кодөс уполномочитөма Коми Республикаса Юралысьлысь тшөктөмьяссө олөмө пөртөм йылысь юөрсө видлалан кывкөртөдьяс серти помшүөмьяс примитөм вылө. Видлалан кывкөртөдьяс серти примитөны татшөм помшүөм:

- 1) тшөктөм бөрся видзөдөмсө дугөдөм йылысь;
- 2) тшөктөм олөмө пөртан кадколаст нюжөдөм йылысь выль кадколаст индөмөн;
- 3) видзөдөм улын лөысь тшөктөмсө олөмө пөртөм могысь содтөд тшөктөм сетөм йылысь.

12.7. Коми Республикаса Юралысьлысь тшөктөмсө видзөдөм улө сувтөдигөн, кутшөмлөн сюрөсыс тырвыйө мөдпөлалө тшөктөмсө, кутшөмөс сувтөдөма видзөдөм улө водзджык, тайө тшөктөмьяссө позьө отувтны өти тшөктөмө Коми Республикаса Юралысьлөн либө мортлөн, кодөс уполномочитөма Коми Республикаса Юралысьлысь тшөктөмьяссө олөмө пөртөм йылысь юөрсө видлалан кывкөртөдьяс серти помшүөмьяс примитөм вылө, помшүөм подув вылын.

Сэк, кор олөмө пөртөм вылын эмось Коми Республикаса Юралысьлөн тшөктөмьяс, кутшөмьяслөн сюрөсьясыс тырвыйө мөдпөлалөны өта-мөдсө, олөмө пөртысь индөм тшөктөмьяссө олөмө пөртөм йылысь юөрсө ыстігөн вермө шыөдчыны индөм тшөктөмьяссө өти тшөктөмө отувтөм йылысь ходатайствоөн.

12.8. Коми Республикаса Юралысьлөн тшөктөмлысь кадколастыяс нюжөдөм йылысь либө сы бөрся видзөдөмсө дугөдөм йылысь колана йөзлы юөртөны Контроль да сёрнигижөд нуөдөмөн веськөдланінса

уджалысьяс тайö Положениелöн 8 пунктöн урчитöм пöрадокын, а сідзжö кадколастьяс нюждöм йылысь либö тшöктöм бöрся видзöдöмсö дугöдöм йылысь виза копиясö олöмö пöртысьлы ыстöмөн (эм кö).

13. Коми Республикаса Юралысьлысь инöда актъяс примитöмкöд йитöдын да найöс збыльмöдöм могысь нормативнöй инöда актъяс дасьтöм серти тшöктöмъяс олöмö пöртöм бöрся видзöдöм (водзö – инöда актъяс дасьтöм серти тшöктöмъяс), кутшöмъясöс индöма тайö Положениелöн 2 пунктса 4 пунктулын.

13.1. Инöда актъяс дасьтöм серти тшöктöмсö кывкутöмөн олöмö пöртысь, кодöс индöма инöда актъяс дасьтöм серти тшöктöмөн:

- 1) индö тшöктöм олöмö пöртан пöрадоксö;
- 2) коланлун дырйи дасьтö тшöктöм олöмö пöртан план-графиксö, котыртö сійöс збыльмöдöм серти уджсö;
- 3) могмöдö воан юөр чукöртöмсö, обработайтöмсö да öтвывтöмсö;
- 4) юöртö Коми Республикаса Юралысьлы тшöктöмсö олöмö пöртöм йылысь;
- 5) могмöдö тшöктöм серти корана нормативнöй инöда актъяс дасьтöмсö;
- 6) ачыс кывкутö тшöктöмсö ас кадö да колана ногөн олöмö пöртöмысь.

13.2. Инöда актъяс дасьтöм серти тшöктöмъяссö олöмö пöртöм бöрся видзöдöмö пырö татшöм удж:

- 1) тшöктöмсö видзöдöм улö сувтöдöм;
- 2) тшöктöмсö ас кадö олöмö пöртöм да сылөн тырвийöлун серти мониторинг нуöдöм;
- 3) тшöктöм олöмö пöртöм серти учёт нуöдöм;
- 4) тшöктöмсö видзöдöмысь дугöдöм, видзöдан кадколастьяссö нюждöм да колана йöзлы юöртöм.

13.3. Контроль да сёрнигижöд нуöдöмөн веськöдланінса уджалысьяс сувтöдöны тшöктöмъяссö видзöдöм улö документъяслөн электроннöя

бергалан системаын кадколастыяс серти, кутшөмъясөс индөма инөда актъяс дасътөм серти тшөктөмын.

13.4. Контроль да сёрнигижөд нуөдөмөн веськөдланінса уджалысыяс инөда актъяс дасътөм серти тшөктөмсө ас кадө олөмө пөртөм, сылөн тырвыйөлун серти мониторингсө нуөдөны тшөктөм олөмө пөртөм серти юөрсө да материалъяссө учёт вылө босътөмөн да налысь кадколастыяссө да сюрөссө анализируйтөмөн.

13.4.1. Инөда актъяс дасътөм серти тшөктөмсө кывкутөмөн олөмө пөртысь тшөктөмын индөм кадколастысь оз сёрджык сетө Контроль да сёрнигижөд нуөдөмөн веськөдланінө юөр, кутшөмөс ыстөма Коми Республикаса Юралысылы да көнi петкөдлөма тшөктөм олөмө пөртан бөртасьяссө (шөркост да кывкөрталана).

Тшөктөмсө олөмө пөртөм йылысь юөрө колө пыртны:

1) тшөктөмлысь реквизитъяс да сюрөс;
2) дасътөм балаяслысь (колө кө) да/либө примитөм нормативной актъяслысь копияяссө содтөмөн тшөктөм олөмө пөртан бөртасьяс йылысь юөр;

3) ходатайство:

а) тшөктөм бөрся видзөдөмсө дугөдөм йылысь:
тырвыйө олөмө пөртөм тшөктөмъяс серти,
тшөктөмъяс серти, кутшөмъясөс объективнөя олөмө пөртны оз позь,
– лоөмторьяссө (помкаяссө) индөмөн, кутшөмъяс вөсна тшөктөмсө олөмө пөртны оз позь;

б) тшөктөм олөмө пөртан кадколастсө нюжөдөм йылысь олөмө пөртны планируйтан кадпассө индөмөн – тшөктөмъяс серти, кутшөмъясөс тшөктөмын урчитөм кадколастө объективной помкаяс серти олөмө пөртны оз позь, лоөмторьяссө (помкаяссө), кутшөмъяс вөсна тшөктөмсө урчитөм кадколастө олөмө пөртны оз позь, да тшөктөм олөмө пөртан кадколаст нюжөдөм вөсна артмөм лоөмторьяссө индөмөн.

13.4.2. Контроль да сёрнигижод нуодомён веськөдланін тшөктөм олөмө пөртөм йылысь юөрсө сетан кадпас бөрын 5 уджалан лун чөжөн:

1) анализируйтө сетөм юөрсө сы боксянь, тырвыйө-ө да бура-ө пөртөма олөмө тшөктөмсө, колө-ө нюжөдны видзөдөмсө либө позьө-ө дугөдны тшөктөм бөрся видзөдөмсө;

2) дасьтө водзө видзөдөм либө тшөктөм бөрся видзөдөмсө дугөдөм серти тшөктөмъяслысь балаяссө (колө кө);

3) ыстө сетөм юөрсө Коми Республикаса Юралысьлы либө мортлы, кодөс уполномочитөма Коми Республикаса Юралысьлысь тшөктөмъяссө олөмө пөртөм йылысь юөрсө видлалан кывкөртөдъяс серти помшүөмъяс примитөм вылө.

13.4.3. Сэк, кор юөр анализируйтан бөртасьясыс оз сетны позянлун вөчны тшөктөм олөмө пөртан тырвыйөлун да качество йылысь, тшөктөм олөмө пөртөм могысь примитөм мераяслөн тырманлун да тшөктөм бөрся видзөдөмсө дугөдны позянлун йылысь өти пөлөс кывкөртөд, Контроль да сёрнигижод нуодомён веськөдланін ыстө видзөдан делөса материалъяссө юөртан записка содтөмөн, кутшөмөс дасьтөма Контроль да сёрнигижод нуодомён веськөдланінөн тайө Положениелөн 13.4.1 пунктын индөм юөрсө анализируйтан бөртасьяс серти, Коми Республикаса Юралысьлөн Администрацияын Канму-инөда веськөдланінө (водзө – КИВ) видлалөм да видзөдлас индөм могысь.

КИВ дасьтө заключениесө видзөдан делөса материалъяс воан лунсянь 10 уджалан лун чөжөн.

Контроль да сёрнигижод нуодомён веськөдланін тайө Положениелөн 13.4.1 пунктын индөм юөрсө анализируйтөм да КИВ-лөн заключение подув вылын (эм кө) 5 уджалан лун чөжөн дасьтө тшөктөм олөмө пөртөм серти водзө уджалөм йылысь либө тшөктөм бөрся видзөдөмсө дугөдөм йылысь тшөктөмлысь бала.

13.4.4. Сэк, кор тшөктөм олөмө пөртөм серти сетөм материалъяслөн да юөрлөн сюрөсыс тырвыйө оз лөсяв Коми Республикаса Юралысьлөн

тшöктöм сюрöслы, Контроль да сёрнигижöд нуöдöмөн веськöдланін уджалö тайö Положениелөн 6 пунктын индöм пöрадокын.

13.5. Контроль да сёрнигижöд нуöдöмөн веськöдланінса уджалысьяс нуöдöны тшöктöмсö олöмö пöртöм серти учётсö тшöктöмсö збыль олöмö пöртöм серти юөр да материалъяс подув вылын, кутшöмъясöс сетöма тшöктöмсö олöмö пöртысьөн (кывкутöмөн олöмö пöртысьөн) документъяслөн электроннöя бергалан системаын.

13.6. Тшöктöм бöрся видзöдöмсö дугöдöм, видзöдан кадколастьяс нюжöдöм да колана йöзлы юöртöм.

13.6.1. Инöда актъяс дасьтöм серти тшöктöмъяс олöмö пöртöм йылысь юöрыс видлавсьö Коми Республикаса Юралысьөн либö мортөн, кодöс уполномочитöма Коми Республикаса Юралысьлысь тшöктöмъяссö олöмö пöртöм йылысь юöрсö видлалан кывкöртöдъяс серти помшүöмъяс примитöм вылö. Видлалан кывкöртöдъяс серти примитöны татшöм помшүöм:

- 1) тшöктöм бöрся видзöдöмсö дугöдöм йылысь;
- 2) тшöктöм олöмö пöртан кадколаст нюжöдöм йылысь выль кадколаст индöмөн;
- 3) видзöдöм улын лобысь тшöктöмсö олöмö пöртöм могысь содтöд тшöктöм сетöм йылысь.

13.6.2. Нормативнöй актъяс дасьтöм йылысь тшöктöмъяс бöрся видзöдöмсö дугöдöны сöмын сэк, кор эм примитöм нормативнöй инöда акт либö эм тшöктöм бöрся видзöдöмсö дугöдны позянлун йылысь КИВ-лөн заключение.

Тшöктöм олöмö пöртан кадколастьяс нюжöдöм йылысь помшүöмыс примитсьö Коми Республикаса Юралысьөн либö мортөн, кодöс уполномочитöма Коми Республикаса Юралысьлысь тшöктöмъяссö олöмö пöртöм йылысь юöрсö видлалан кывкöртöдъяс серти помшүöмъяс примитöм вылö.

13.7. Кадколастъяс нюждөм йылысь либö тшöктöм бöрся видзöдöмсö дугöдöм йылысь колана йöзлы юöртöны Контроль да сёрнигижд нуöдöмөн веськөдланінса уджалысьяс тайö Положениелөн 8 пунктөн урчитöм пöрадокын, а сідзжö кадколастъяс нюждөм йылысь либö тшöктöм бöрся видзöдöмсö дугöдöм йылысь виза копиясö олöмö пöртысьлы ыстöмөн (эм кö).».